

Сталлинец

ВКП(б)-лэн Удмуртской АССР-ысь Иж райкомезлэн но райсоветлэн органзы.

6-тй арзэ
потэ.

№ 84 (678)

3 октябрь 1940 ар

Дуныз 5 коп.

Большевизмлэн могучой идейной оружиез

1-тй октябре асьме партимы но вань трудящой калык'ёс пус'ё знаменательной датаез — «ВКП(б)-лэн историезлэн краткой курсэзлэсь» печатъсь потэмезлэсь 2 ар тырмонзэ. Асьме партимылэн но быдэс советской калыклэн улоназ выль кужмо идейной жутсконлы со кутскон понйз. «Краткой курс» луэ марксизмлэн-ленинизмлэн областяз основной тодонлык'ёслэн энциклопедиенызы, «ВКП(б)-лэн историезлэсь краткой курсэз» гожтыны асьме партимылэн Центральной Комитетэз но нимысьтыз ик Сталин эш бадзым кужым понйзы.

«ВКП(б)-лэн историезлэн краткой курсэз» печатъсь потэм бере социалистической интеллигенцилэн кадр'ёсыз, партийной но непартийной большевик'ёс марксистско-ленинской мировоззрением овладеть карон понна дышетскон борды зол кутскизы. Солэн 16 миллионлэсь но трос экземпляр тиражез СССР-ысь калыклэн дасо кыл выжыенызы потэмын. Со калык пöлы туж жог вöлдйськиз. Со сяна «Краткой курс» мукет странаосын но потэмын.

Удмуртской АССР-ын «Краткой курс» 50 сюрс экземпляр вöлмытэмын, со пöлысь 10 сюрсэз — удмурт кылэн но 3 сюрсэз — бигер кылэн. Таин чöш ик марксизмлэн-ленинизмлэн классик'ёсызлэн произведениоссылы кулэлык'яскон будйз.

«ВКП(б)-лэн краткой курсэзлэсь историез» потэм бере, партийной пропагандаез перестроить карыса, замечательной сталинской учебникез тодон бордын районной партийной организация идеологической ужэз паськыт вöлмытйз. Партийной но непартийной ужасьёслэсь но советской интеллигенцилэсь марксистско-ленинской теориез тодонлыкэсэ жутонын ужэз зэмоз тупатыны быгатйз.

Партийной, хозяйственной, комсомольской но мукет ужасьёслэсь зэмоз теоретической отсталостысэс быдтон бордын ужамзэс «Краткой курсэз» но Марксэз, Энгельсэз,

Ленинлэсь но Сталинлэсь труд'ёсэс изучать каремзэс уж вылын возьмат.

Озы, ВКП(б)-лэн ЦК-езлэсь указаниоссэ быдэс'яса, асьме районьсь советской, хозяйственной организациосын ужасьёс ас тодонлыкэсэс выла жутон борды кутскизы.

Партийной но советской актив но интеллигенция пöлысь тросэз «ВКП(б)-лэн историезлэсь краткой курсэз» изучать карыса быдтйзы ини. Таё лыдын луо: райисполкомлэн первичной партийной организациезлэн секретарез Т. Коновалов эш, РОНО-лэн заведующоюз А. Лопатин эш, Шабердинской НСШ-лэн директорез М. Семаков эш но мукет'ёсыз.

Та ортчем кык ар кустын партийной пропагандалэн важнейшой формаосыз кужмо паськытазы. Марксистско-ленинской теориез вöлмытон формаен печать но лекциос луо. Та дыр кустын асьме районьн 169 лекция лыдземын, соосыз 12.946 мурт кылйзы.

Озы ке но, пропагандистской ужен ваньмыз умой мынэ шумны уг луы на. Партийной но хозяйственной уж'ёс пöлын марксистско-ленинской теориез тодон борды кутскылымтэ мурт'ёс но вань на. Кылсярысь, Т. Мерзляков эш (Райфолэн первичной организациезлэн секретарез), А. Кочуров эш (Козловысь территориальной партгруппалэн секретарез), Подойницын эш (Верх-Люкской кандидатской группалэн парторгеz). Ваньзы соос «Краткой курслэсь» III главазэ гинэ «изучать» каро.

Районьн али но платной лекциос паськыт вöлмытэ на, асьме ужасьёс пöлын образованиез но культураез жутон тупатымтэ.

Марксизмез-ленинизмез изучать карон котькуд большевиклэн нуналмысь быдэс'яно ужез луэ. Соин ик, партийной организациослэн быдэстона задачаоссы пöлысь важнейшой задачаеныз луэ — ВКП(б)-лэсь историез изучать карисьёслы юрттон. Тйни со бордысен ик практической уж'ёс но азинлыко быдэсмылозы.

„ВКП(б)-лэн историезлэн краткой курсэз“ 16,2 миллион экземпляр

«ВКП(б)-лэн историезлэн краткой курсэз» нимысьтыз ик паськыт вöлмытэмын. Всесоюзной книжной палаталэн даннойёсыз'я кык ар кустын та замечательной книга Советской Союзын печатать карыса потэмын 55 кылын 16,2 миллион экземпляр. Зуч кылын книга потэмын тиражен 12 миллион экземпляр. «ВКП(б)-лэн историезлэн краткой курсэз» трос тираж'ёсын потйз СССР-лэн калык'ёсызлэн асьсэ кылынызы.

Вакчи дыр кустын гинэ «ВКП(б)-лэн историезлэн краткой курсэз» Литовской ССР-е ыстэмын 38,7 сюрс экземпляр, Латвийской ССР-е — 44,8 сюрс, Эстонской ССР-е — 11,1 сюрс экземпляр.

«ВКП(б)-лэн историезлэн краткой курсэз» мукет странаосын 28 кылын потэмын.

(ТАСС).

84 миллион 537 сюрс гектар турнамын

25 сентябрь азелы Союзысь колхоз'ёс но совхоз'ёс шепо ю-нянез 84 миллион 537 сюрс гектар турназы — планлы 98,6 процент.

25 сентябрь азелы ю-нянь турнан йылпум'ямын Союзысь ныльдонлэсь

но трос республикаосын, крайёсын но областьёсын. Кутсамын 70. 808 сюрс гектар вылысь, шепо ю-нянь октэм-калтэм пöлысь 84 процентэз.

(ТАСС).

Бадзым войсковой соединениослэн штаб'ёссылы полевой учениос

Та берло нунал'ёсы СССР-лэн Оборонаезлэн Народной Комиссарез Советской Союзлэн Маршалезлэн С. К. Тимошенко эш крупной войсковой соединениослэн штаб'ёссылэн (Киевской особой военной округ)

полевой учениосазы участвовать кариз.

29 сентяб্রে вань командной составен дышетсконэз эскерон ортчиз. Тимошенко эш разборын заключительной речен выступать кариз.

(ТАСС).

Иностранной телеграммаослэн обзорзы

Германской информационной бюро ивортэ, что 27 сентяб্রে потон уй английской город'ёс выла 400 сюрс килограмм бомбаос куштэмын вал, нош 28 сентяб্রে потон уй — миллион килограмм пала. Лондоньн луэм бомбардировка дыр'я трос интыын тылпуос потэмын. Быдэс город чын улэ согиськемын.

Американской агентстволэн корреспондент'ёссылэн юнматэмзыя, та берло 20 нунал'ёс кустын Лондон выла куштэмын вал бомбаос, Мадрид но Варшава выла соосын жугиськон дыр'я куштэм бомбаослэсь но трос. Английской газет'ёс признать кароно луо, что английской столицалэн улйсьёсыз пумтэм-йылтэм курадзо. «Ньюс-кроникл» газет гожтэ, что городлэн восточной люкетаз германской бомбардировкаос луэмен сэрэн, тросэз улйсьёс коркатэк, диськуттэк, сионтэк кылемын. Нокиче человеческой воображение, — гожтэ газет, — ництаез представить карыны состояниын уг луы, кудаз луо та урод положение пуктэм адямиос. Правительственной организациослэсь курадзись мурт'ёслы юрттэт возматон'я ужзэс чурит критика улэ басытыса, газет соослэсь ужзэс серемен гинэ лыд'я.

Английской авиация, Германия но солэн территориясыз выла, куд'ёсыз басытэмын солэн странаосыныз, аслэсьтыз чөмесь рейд'ёсэ али но нуэ на. 26 сентяб্রে потон уйе английской бомбардировщик'ёс атакаос лэсьтылйзы важнейшой объект'ёс выла, куд'ёсыз расположить каремын Берлин котырты. Английской ивортон'ёсын вераське, что трос лыд'ем бомбаос куштэмын вал крупнейшой берлинской Темпельгоф аэродром но озы ик Клингенбергысь электростанция выла, кудйз снабжать каре токэн Берлинлэсь бадзым предприятиоссэ.

Ла-Манш порт'ёс выла бомбардировкаос али но мыно, кудаз люкамьн германской вооруженной кужым'ёс.

Кызы тодмо, 27 сентяб্রে Берлинын Германия, Италия но Япония кустын военной союз сярись пакт заключить каремын. Та пактлэн значениез сярись вераса, 30 сентяб্রে потэм «Правда» гожтэ, что со знаменоват каре войналэсь выла эшшо кужмо но паськыт фа-

зае пыремзэ. «Правда» вера, что пактлэн кылдэмез юрттыз Англия но Америкалэн Соединенной Штат'ёсыз кустын военной сотрудничестволэн кужмоянэзлы но паськытанэзлы. Пактын аслаз участникезлы вляить карон сферазэс признать карон но сое куспазы люкон солэн одйг особенностеныз луэ. Соос ас вылазы та вляинилэсь сферазэ захищать карон вылысь мукет государствоослэн покушениоссылэсь, нырысь ик Англилэсь но соин уртче улйсь Америкалэн Соединенной Штат'ёсызлэсь огзылы-огзы юртыны обязательство басытйзы.

Пунктлэн мукет важной особенностеныз луэ отын Советской Союз сярись оговорка. Кызы тодмо, пактын вераськиз, что со нокизызы но уг быгаты сöрыны со взаимотношениосы, куд'ёсыз али дыре существовать каро соглашенилэн куинез ик участник'ёсыз но Советской Союз кустын. «Та оговоркаез, — гожтэ «Правда», — кулэ валаны, нырысь ик, пактлэн участник'ёсыз ласянь нейтралитетлэн сыче позициезлы уважениез кадэ, кудзэ Советской Союз ортчытэ войналэн нырысь нунал'ёсысеныз ик.

«Сое валаны кулэ, азыпалан, СССР но Германия кустын нападат каронтэм пактлэсь но СССР но Италия кустын нападат каронтэм пактлэсь значениез но кужымзэ юнматонэз сямен».

«Мирезлэн аслаз политикаез но нейтралитетаз шонер, — вераське статьялэн пумаз, — Советской Союз быгатоз ас паласеныз юнматыны, что солэн та политикаез зависеть каре бере солэсь, али но азыпалан но неизменноен луоз».

Кызы ивортэ американской агентствос, японской войскоосты Файфоне (французской Индо-Китайлэн портэз) люкан али но мынэ. Со дыре ик японец'ёс южной Китайысь азылане мыно. Французской властьёс та азыпала мынонэз дудытыны понна Японилы куриськонэн вазиськизы вал. Али дыре японской войскоос Донбо дорын луо (Ланьсонь городэн но Ханоен вискысь важной узловой центр).

Китайской ивортон'ёс'я, китайской консул Ханойын вань китайской граждан'ёсты жожен Индо-Китайысь эвакуировать карыны дасян сярись инструкция басытйз.

(ТАСС).

И в о р т о н

1940 арын 12 октяб্রে. 5 часын нуназе ВКП(б)-лэн Ижевской райкомез пленум люка. Пленум луоз ВКП(б)-лэн Ижевской райкомезлэн парткабинетаз.

Эскероно ужпум:

1. «ВКП(б)-лэн историезлэн краткой курсэзлэн» потэмез дырысен кык ар тырмемез сярись.
2. ВКП(б) членэ пыртонлэн мынэмез но ВКП(б) членэ кандидат'ёсын ужан сярись.

3. Организационной ужпум'ёс. Пленуме лыктоно ВКП(б)-лэн райкомезлэн вань член'ёсызлы но кандидат'ёсызлы, ревизионной комиссиялэн член'ёсызлы, первичной парторганизациослэн секретарьёссылы но кандидатской группаослэн парторг'ёссылы.

К. Стрелков,

ВКП(б)-лэн Ижевской райкомезлэн секретарез

Сельскохозяйственной ух'ёслэн дневники

Пудоосты шунит толйытоно

Ваньмызлы тодмо, что толалтэ пудоосты шунит гидын возёно. Али ке но куд-ог асьме районысь, колхоз'ёслэн кивалтйсьёсы толалтэ пудоосты шунит гид лэсьтон понна уг сюлмасько. Кылсярьсь, «Красный восток» колхозын гид өвөлэн сэрен одйг ферма но кылдытэмын өвөл. Нош гид-куа лэсьтон сярысь колхозлэн председателез А. Загуляев эш өз ик малпалля на. Таңе ик уж «Пастухово» но «16 парт'езд» колхозын, куд'ёсаз 18—20 скал, нош скал гидзы одйгаз но өвөл. Озы ке но таңе уж'ёс колхоз'ёслэсь кивалтйсьёссэс уг сюлмаськыто.

Ворошилвлэн нимыныз нима колхозын план'я ыж вордон ферма 25 йырлэсь кылдытэмын луыны кулэ, нош ыж гид өвөлэн контрактировать карем ыж'ёс али ке но огазе өвөл люкамын.

Райзо таңе урод уж'ёсты тодыса но колхоз'ёслэн кивалтйсьёсы бор-

ды, куд'ёсыз партилэсь но правительстволэсь общественной пудо вордонэз паськытатон сярысь постановленизэс игнорировать каро, ноқыче ужрад өвөл кутэмын.

Пудоез умой вордонын трос дышетскыны луоз «Ударник» колхозлэсь, кудаз нуналмысь сюлмасько общественной животноводствозе жутыны. Туэ арын татын лэсьтэмын ини чуньы гид, парсь гид, ыж гид. Та сяна колхоз кутскиз вуж гид'ёсты тупат'яны, озы ик материал дася выль пудо вордон гид лэсьтыны.

Озы ик выль парсь гид лэсьтыны но вуж'ёссэ скал гид'ёсты тупат'яны кутскиз «Красный Лудорвай» колхоз.

Толалтэ пудоосты шунит толйытыны понна котькуд колхозлы али ик кутскыны кулэ вуж пудо гид'ёсты, парсь гид'ёсты, ыж гид'ёсты тупат'ян борды но выльёссэ лэсьтыны.

Вискарытэк кутсаськоно

Сизьыл зор'ёс кутскем бере районын тросэз колхоз'ёс кутсаськемысь дугдызы. Нуналлы быдэ 713 гектар выльысь кутсам интые, 26 сентябрысен 28 сентябрыз ваньмыз колхоз'ёс чылкак өз кутсаське, нош 28 сентябре кутсамын 20 гектар выльысь гинэ. Таңе номырлы ярантэм уж'ёс колхоз'ёсын луэмын соин, что колхоз'ёслэн кивалтйсьёсы дырыз дыр'я өз сюлмаське кутсаськон интыосты липетаны, кытын луысал куазь зорьку но кутсаськыны.

Нош куд'ёсаз колхоз'ёсын липетам интыос луыса но уг кутсасько. Паймымон кадь, «Диктатура» колхозлэн кивалтйсьёсы итымазы картофка тырыны косыллям.

«Новая крестьянка», «Сокол» колхоз'ёсын көс куазен өвөл сюлмаськиллям культу ворттыны итым'ёсазы, соин ик 28 сентябрысен одйг тысь но өвөл кутсамын.

«Сигнал» колхозын 24 сентябре кутсаськон бордысь ваньзэ калыкез картофка копаны ыстйллям. Колхозлэн председателез И. Заварзин эш ужась калык өжит шуэ, соин ик кутсаськонзэ, картофка октоизз но мукет уж'ёсты чош, пе, уг луы ужаны.

Нош ужаны потасьтэм'ёссэ со уг но адзы лэся. Кылсярьсь, А. Токарева, М. Токарева но мукет'ёсыз ужаны уг потало. Нош колхозлэн правлениез али ке но ноқыче ужрад өз куты на, куд'ёсыз трудоденьлэсь минимумзэ гинэ тырмытэм өвөл, уж борды чиньызэс но өз йёттылэ на.

Ваньмызлэн колхоз'ёслэн али задачаоссы сыңе, чтобы куазь жобен но кутсаськонзэ өвөл дугдытоно, со понна али ик вань колхоз'ёс кутсаськон интыез липетэн липыны кулэ.

Конференцилэсь решенизэ быдэс'ян понна нюр'яськоно

Первичной комсомольской организации ортчем отчетно-выборной комсомольской собрания но районной конференция шаразы комсомольской организациослэсь тырмытэ уж'ёссэс. Таңе тырмытэос пöльысь одйгеныз луэ комсомолец'ёслэн хозяйственной ужпумын өжит участвовать каремзы.

Конференция пусйиз, что районнысь тросэз первичной комсомольской организациос колхоз'ёслэн правлениеоссылы тырмыт юрттэт өз сётылэ, колхозной производстоен өз тунсык'ясыкылэ.

Конференция бере уно дыр ортчиз ини. Та дыр кустын комсомольской организациослы вань янгыш'ёссэс тупатано кадь вал. Нош ужпум мукет сямен адзиське.

Озы, «Истомино» колхозысь комсомолец'ёс, призыв кутскемлэсь азьвыл ик, армие кошкиськомы шуыса, колхоз ужын умой-умой өз ужалэ. Нош первичной организацилэн секретарез Н. Лимонов эш таңе уж'ёсын тупаса улэ.

Районнын кутсаськон али но йылпум'ямтэ на, первичной организациослэн уйин кутсаськыны комсомольской смена кылдытыны тодазы өз лыкты. Нимысьтыз ик урод мынэ кутсаськон «Мушкась» колхозын, нош комсомольской организациа (секретарез Васильев эш) уез умоятон выльысь ноқыче ужпум өз куты.

Конференция озы ик косийз комсомоллэсь кивалтон ужзэ ВЛКСМ-лэн XI пленумезлэн решениез'я тупатыны. Татын но районной комсомольской конференция комсомоллэн ужысьтыз тырмытэоссэ пус'йиз.

Районнын кылдытэмын постоянно действующей комиссиос. Нош дышетскисы егит'ёс но пионер'ёс пöльын ужан'я комиссия сяна уж борды кутскыны мылкыд өз каре на. Конференция нимысьтыз ик пусйиз, что районнын агитация но пропаганда уж туж урод пунктэмын. Комсомолец'ёс но районнысь интеллигенция асьсэлэсь идейно-политической тодонлыкэс бюджетон бордын ляб ужало. Нош агитация но пропаганда уж'я комиссилэн председателез Усков эш аслыз ноқыче вывод өз лэсьты, комиссилэн ужан планэз али но өвөл на. Ог'я вераса та комиссилэн ноқыче уез уг адзиськы.

Озы ик вераны луэ Удмуртской Автономилэн XX ар тырмонэныз нима социалистической соревнованиез вöлмытон'я кылдытэм временно действующей комиссия сярысь но.

Районнын социалистической соревнования нуналлы быдэ паськыта.

Временно действующей комиссилэн членэз Потапов эш «Интернационал» колхозысь комсомолец'ёс пöльын социалистической соревнова-

Гурт'ёсын санитарной чылкытлыклэн месячникез

Асьмелэн улонамы трос дыр'я али но луэ на пумитаны чылкытэм коркаосты. Таңе картинаез адзыны луэ куд-ог колхозник'ёслэн коркаосысьтызы: отын ик жуг-жаг куямын, жök вылазы нянь пыры кельтэмын, вöлдэтын чонари вотэс'ёс, нош кутлэн пумыз-йылыз но өвөл. Озы ик азбарын но: пож ву кыты сюрем отчы кыстаське, сое кыстаны гу өвөл тупатэмын, уборнойёс копатэк, корка борд'ёсы гинэ лэсьтылэмын, нош татын кут'ёс пумтэм-йылтэм.

Кыдэке өз ортче на та удысын озы ик учреждениос но. Колхозлэн правлениез бордысен кутскыса медицинской пункт'ёс дорозь луэ на али шедьтыны трос непорядок'ёсты. Столовойёс, школаос пекарняос дорысь умой тупатэм жаг но пож ву кичкан гуосты туж шер дыр'я гинэ адзыны луэ, яке чик уг луы. Нош куд-огез та гуос гулы ик уг лэсяло. Кут'ёс татысь укное-тй пыро но нянь, сион вылэ пуксё, отчы висён кельтыны быгато.

Нимысьтыз ик саклык вис'яны кулэ татын водоснабжениослэн источник'ёсылы. Чем дыр'я колдэч'ёслы нимысьтыз бадья но ворсэт өвөл тупатэмын, татысь ик адзиське ини, что колдэче шедьыны быгатоз жаг но мукетыз. Пудо вордон фермаос, валгид'ёс дорын озы

ик кыед пазыськемын, со уг октиськы-калтйськы.

Трудящейёсты тазалыко карон но пинал'ёслэсь висён но кулон случайзэ өжитатон понна, Удмуртской АССР-лэн Совнаркомез пунктйэ республикаысь вань населенной пункт'ёсын санитарной чылкытатонлы месячник ортчытыны. Ижевской районнын месячник ортчытйське 25 сентябрысен 25 октябрыз.

Месячникез жожен но азинлыко быдэстон понна та уж борды кутскыны кулэ вань сельсовет'ёслы, колхоз'ёслы, учреждениослэн кивалтйсьёссылы, медицинской ужасьёслы но котькуд колхозниклы. Та вопросзэ паськыт обсуждать кароно собраниясын.

Бадзым саклык вис'яно детской учреждениослэн санитарной состоянизылы, нимысьтыз ик яслиослы, площадкаослы но школаослы.

Комсомолец'ёс! Тйледлы усе право санитарной месячникез азинлыко быдэстон понна уез возглавить карыны. Тй луыны кулэ чылкытлыклэн азьмынйсьёсыныз. Тйледлы асьтэлы личной примереныды возматаны кулэ, кызы умойгес луоз чылкыт карыны колхоззэ, учреждениоз, школаез.

Вавилова,

УАССР-лэн Наркомздравезлэн инспекторез.

Емышо сад мерттоно

Колхоз'ёсын но котькуд колхозной дворын сад мерттонзэ паськытатон ужрад, асьме районмылэн условиосаз бакча-сион но пудо вордон ужрадэн одйг кадь пунктэмын луыны кулэ соин, что асьмелэн районнысь пригородноен луэ. Асьмелэн задачамы — Ижевск городысь трудящейёсты обеспечивать карон.

Нош районнысь куд-ог колхоз'ёс но райзолэн специалист'ёсыз туннэ нуналозь колхоз'ёсын емышо сад мерттонзэ паськытатон понна өз сюлмаське на.

Озы, 15 гектар пöльысь, куд'ёсыз

учкемын вал 1940 арын (тулысь но сизьыл) яблук пу мерттыны, мерттымын 2,75 гектар вылэ гинэ, яке планлы 18,3 процент, сутэр пу, 3 гектар интые — 0,5 гектар. «Ударник», «Диктатура», «Освобожденный труд» колхоз'ёс но тросэз мукет'ёсыз та уж борды өз ик кутскылы на. «Новый путь крестьянина» но Калининлэн нимыныз нима колхоз'ёс «Политотдел» колхозлы 1938 арын емышо пу басытыны понна коньдон перечислить каризы вал, нош та емышо пуос али ке но басытэмын өвөл на.

Пазелинской сельсоветысь «Дас ар» колхозын, емышо сад мерттыны понна 5 гектар вис'ям муз'ем мукет культураосын киземын. Татын вань кылемез но сад'ёс кулэез'я уг утялтйсько, соосты утялтыны нимысьтыз адыми өвөл вис'ямын.

Ваньмыз та факт'ёс верало со сярысь, что колхоз'ёсын емышо сад'ёсты мерттонзэ паськытатонлы колхоз'ёслэн правлениеоссы, райзо но райсоветлэн исполкомез туннэ нуналозь бадзым саклык өз вис'ялэ на.

Колхоз'ёслэн правлениеоссылэн неотемлемой задаченызы луэ та матысь нунал'ёсы ик емышо пуосты (яблук пуэз) басытонлы Лудорвайской сельсоветысь «Политотдел» колхозэн договор заключить карон. Колхоз'ёслы, куд'ёсызлэн желанизы вань сутэр пу мерттыны, Сарапульской плодоягодной питомниклы бере кылытэк уксе перечислить кароно соин, что сутэр пу отысь басытоно луоз.

Соин ик вань колхоз'ёслы туэ толалтэ дасяны кулэ емышо сад'ёсты утялтон'я специалист'ёсты. Одно ик дасяно минеральной но органической удобрениосты, талы вис'ям муз'емез толалтэ азэлы гырыса кельтоно. Гыроно 20—25 см. мурдалаен, 10 октябрылэсь бере кылытэк.

К. Белозеров,

Райзолэн агрономез.

Редакторез воштйсь М. Ельцова.